



勅賜紫雲書院志序

國子監  
勅賜紫雲書院志序  
書院藏

天地之有道猶人身有元氣也道一日不明則人心蔽塞邪說橫行流入於虛無寂滅清談縱肆雖浩乎太虛恢乎坤輿止成一虛郭廓耳譬如人之一身元氣不克則陰邪百病乘間而入神明既槁儻然人耳形骸徒存其不敝壞消歸者幾希易曰苟

勅賜紫雲書院序

張一

非其人道不虛行神而明之不洵存乎其人哉自羲皇開天堯舜禹湯文武周公以來得孔孟而道顯孔孟之道得濂洛關閩四子而道益著四子之中又推二程夫子爲首嵩陽書院舊傳二程夫子讀書講學處紫陽聿興私淑二程一宗存誠主敬創

建白鹿洞書院弟子肄習其中惟謹孔孟



之道著於程朱元明惟魯齋敬軒得其正宗而莫不祖述二程夫子洵乎中州得河洛之真傳也我

朝五十年來以孔孟之書取士

詔舉山林有道不崇講學之名而務其實今

春余銜

命督學中州立意倡明理學丕變士習兢兢

以孝經小學

勅賜紫雲書院序

張三

聖諭十六條爲多士父老講解歷試宛城竣

詣南陽書院識襄城禮山李君耳其人品

學殖接其言論風旨莊莊乎君子也與多

士講論畢禮山手出先祖恭靖公所著

勅賜紫雲書院志見示恭靖公爲前朝名

臣歷官大司農事業炳史乘顧闕土誅茅

建立書院退而講學於林泉寂寞之鄉與  
後生弟子吶哦不輟登眺嵩峯環瞻大河  
隱紹程朱許薛踐履篤實之學其足接洛  
閩之薪傳者非先生誰屬哉厥後禮山曾  
大父肖雲先生嗣而葺之禮山復守舊廬  
讀書其中與中州耿逸菴冉永光名儒切  
劘罔間寒暑嗚呼何中州道學之人踵出

勅賜紫雲書院序

張三

如斯也我因之有感矣有明三百年書院  
幾徧天下然而盛衰興廢轉盼淪沒於荒  
墟蔓草今禮山業督率南陽書院弟子行  
道駸駸有日而又以先人勅賜書院惓惓  
不怠意以恭靖之學克紹嵩陽鹿洞之後  
不獨倡中州而實可以倡天下然則禮山

豈第爲恭靖之賢孫抑亦將擴羲皇洛閩



許薛之統而爲我道之有傳人也夫

康熙辛未三十年十月河南學使禹城張

潤民拜譔

勅賜紫雲書院序

張四

圖見裝幀

康熙辛未三十年十月河南學使禹城張

潤民拜譔

勅賜紫雲書院志序

四代之學達乎天下使大夫士有道德里  
居者爲師耆鉏已藏新穀已入歲事已畢  
餘子皆入學州長黨正以時考而勸糾藁  
爾彈丸之聚爲然况名都大府才俊如雲  
者乎後世學校之法不講則鄉校雖存而  
子衿與刺矣至宋道學之盛直可上接三

勅賜紫雲書院序

卷二

代其時濂洛諸公得孔孟真傳故州縣建  
學之外又有四書院之建馬貴輿謂州縣  
之學或作或輟不免具文鄉黨之學賢士  
大夫所建田土之錫教養之規後先相望  
往往過於州縣也四書院外其石鼓鷺湖  
崇安建安皆由朱子以名其他僂指難盡

三書院者自稱山長一海洞至有命於世



者亦有賜經書以供學徒肄業者自元迄於明季姚江鼓山其最著者也姚江謂性無不善知無不良而以知善惡爲良知爲善去惡爲格物是無善一語其指迥別於告子後儒何竟以禪病之鼓山人極圖說與濂溪太極圖說相爲發明且其殉國至絕食半月而卒非生平之定力能若是與

勅賜紫雲書院序

朱一

豫之嵩陽四書院之一也繼嵩陽而興者有紫雲書院明大司農李恭靖公所建置學田購書籍雲集多士朝夕講貫以闡濂洛諸公之傳後肖雲公繼之子去冬一至汴梁風雪載途東望潁昌思一登望嵩樓址咏劉賓客詩賓客花開花落句卽程子

傍花隨柳月到天心乎等也今夏南陽書

院成集宛壤多土督課其中帖括之外思  
振古學自傷孤另秋間得交禮山先生延  
諸書院禮山強學好問君子也殖學以六  
經爲根抵以程朱爲繩尺凝寒靜夜朗月  
長霄互相質疑語必移晷備述其祖恭靖  
公肖雲公勅賜紫雲書院始末於予則禮  
山家庭自爲庠序文字懶傍門墻其家學  
繩承蓋有自也茲將聿新其規模猷猷顯  
世又纂述舊志補其未備昔人論陳氏云  
公慙卿卿慙長今肖雲公無慙恭靖公禮  
山豈僅無慙肖雲公耶是爲序

康熙辛未歲長至日知南陽府事古虞朱

璘頓首拜撰



五世孫

來章禮山甫

同纂

琇璞園甫

六世孫夢麟滄雷

夢燕書巢

夢呂雪濤

夢墨石存

夢嵩松亭

夢岳留僊同校

勅賜紫雲書院志

形勝

書院山 襄城縣志云其山東接仙翁西接紫雲

峯巒律峯林木蒼鬱自中峯而下重峯疊嶂如

納陞然南北兩山左右環拱一泉從中湧出

遶東北出靈泉山西麓入汝其郊敖諸山對

如屏襄山中第一奇觀也邑人火司農李恭

公建書院於上明成化十五年賜額為紫雲書

院因易今名

紫雲峯勝



紫雲峯勝  
卷之...







二

襄城李來章禮山

一禮云皮弁祭菜官其始也古人入學皆行釋菜先師之禮朔日望日皆謁學宮又今日

國家見行典禮今凡入書院受學者皆先詣聖殿階前伏興行四拜禮然後詣講堂投刺以文爲贄至逢朔望日前夕值日者督率院中同人拂拭神几務期潔靜至日黎明擊板盥洗既畢值日者鳴鼓五聲畢詣聖殿階前

紫雲書院志

學規一

行伏興四拜禮再集講堂向上一揖又分班東西對揖相引而退皆以齒序或托故不至或跛倚笑語禮貌不肅者各紀過一次實貼講堂壁上古人齋明以齊其內盛服以齊其外精神凝聚神鬼可格今將從簡編之中晤言古聖不先極致誠敬必不能使其志氣相通故凡瞻仰廟貌誦讀遺言皆當正冠整襟昭如在之誠此爲學第一義也

一由古人之學其爲聖賢也易由今人之學其



爲聖賢也難平日父師之教既有詳畧其後  
所就遂分得失故始基不可一日不端而小  
學不可一日不講也古者婦人妊子既有胎  
教出就外傳又有小學匪僻之言不聞於耳  
機械之事不覩於目天真渾然太極中函後  
此學力不過擴而充之初非有所畀付增益  
作爲於性分之外也譬之於牆下面根基寬  
厚堅固積累而上可以凌雲于霄若失乎此  
則鹵莽滅裂其下旣失土雖求高勢不可爲

紫雲書院志

學規二

也今人自知識初開情欲漸熾少小所習無  
非變詐爭巧鬪捷以術相御積成風俗恬不  
爲怪一旦教之以大學之道扞格齟齬不能  
遽入是以考亭朱子採摭經史輯爲小學其  
年歲旣長不及乎此者又欲使其從事敬字  
以補前功此胡敬齋謂朱子有大功於天下  
萬世此其一也諸子旣入書院宜先講究小  
學昔許魯齋先生得小學於姚樞所自此兵

戈擾攘之中敬如神明信如師保嘗曰能明

此他書雖不治可也諸子若能收攝精神細讀小學步趨言論以爲師範久之自融洽安適於規矩準繩之中有油然而自得不能住手之意所謂名教中自有樂地也

一五經之書皆是夫子刪述前聖而晚年親筆更作孝經蓋以惟仁可以見天地之心惟孝可以得爲仁之實諸經之樞紐羣聖之精髓皆萃結於此一書者也吾輩今日爲學須爲養存想使孺慕之愛充滿洋溢處處發露時

崇雲書院志 學規三

時呈見更從而博觀傳註講明其理如昏晨宜如何定省冬夏宜如何溫清口體宜如何奉養志意宜如何將順更進而擴充推致立身行道仁民愛物卽做到參天地贊化育地位亦不過極其橫塞之量而止豈能出於其外更有事業識仁定性是程門兩件絕大功夫然由孝道推之皆有道路可入先肖雲先生嘗曰孝親是人生一點良心最爲真切人能擴而充之便與天地相似諸子於孝經一



書熟讀潛玩立定爲人脚跟卽進而希聖希天無難也

一四書繼五經而作得朱子章句集註或謂紹明絕學開示正統微言與義如日月中天道統中興無異於唐虞之盛是千載之後能得孔曾思孟之心法者朱子也吾輩今日讀其書須深於研究善於領會於吃緊爲人處特具隻眼然後吾道之傳有所寄託朱子嘗言聖人之言本末始終上下精粗無所不該至

紫雲書院志 學規四

其所作章句集句或問亦復如是至矣蔑以加矣學者誠不可不細心而潛玩之也朱子留東萊呂先生住寒泉精舍相與採濂溪明道伊川橫渠四子純粹之言爲近思錄一書實與章句集註或問互爲表裏交相發明蓋堯舜以來傳之道統皆具於斯而求四書之精旨者不可不以是爲階梯焉諸子若能合周程張朱五子之書以進求乎四書庶

乎可以得聖人之門戶而入道爲不難矣

五經者聖人心法之所寄也於今千載之後  
可以見前聖之心法者獨賴五經之存學者  
能由五經以求聖人之心法則先後同揆可  
以無古今不相及之憾窮經可不急乎聖人  
之經審人情酌物理明天德昭王事本乎太  
極歸於至善原自明白簡易而坊刻講說顧  
反失之穿鑿糾纏求深反淺求高反卑致使  
學者畏難而不肯研究噫經之不明人心之  
正大道之行其何日之可望乎 國家令甲

紫雲書院志

學規五

書試其三經試其四雖分先後原屬兼重今  
諸子雖不能徧誦五經至所專業者宜反覆  
熟誦字析句解章通篇貫先使本文溜然上  
口了然在心卽以所講四書參考互証久自  
融會至於有得若夫有志之士細讀全經博  
考古註且能於文字章句之外溯其大本窮  
其真旨則造化經綸備於一心以入合天  
之學固未有捷於此者矣此聖門之極功也  
學者其必以是爲歸焉



一禮云足容重手容恭目容端口容止聲容靜  
頭容直氣容肅立容德色容莊凡整齊於外  
者皆是收斂此心使不外馳於學者最爲切  
要橫渠先生平日立教必先使人學禮又曰  
學禮則可以守得完亦是此意若能端莊靜  
一以禮自持隨時檢點漸至純熟則官骸所  
只日用所接無非性命流行而天德自此可  
達矣吾願諸子先防範此身使手足耳目容  
貌言動之間不踰規矩準繩方不負爲安定

弟子而爲學之基以立有不謹者紀過一次  
一朋友居五倫之一關係最重必推誠以相與  
致敬以相交然後可收砥礪之益夫推誠者  
卽所謂不欺也不欺於微然後可必於顯不  
欺於細然後可必於巨若於微者細者忽之  
而謂能不欺於顯者巨者吾不信也至於致  
敬亦然諸子今日同居書院正與於朋友之  
倫者也宜抒素心共敦古處以訂交於一日  
者相期於百年無負於七尺者上追於千秋

方不虛重蜺負笈來從學問之意論語云羣  
居終日言不及義好行小慧後世交遊病痛  
煞被先師歷歷說盡如有類此者更宜痛自  
猛省

一今之從事於學者既患無出衆之姿然而稍  
有聰明才力者便又不免失於輕佻流於浮  
薄狃詩而不實傲忽而自滿不知如此氣質  
雖文章絕工功名極盛究是天地一箇俗人  
較之愚闇遲鈍者其去道更爲懸絕純公先

紫雲書院志 學規七

生曰學至變化氣質方是有功吾願諸子考  
驗自己病痛各克其偏如浮薄者務矯以淳  
厚輕佻者務矯以沉重狃詐者務矯以誠慤  
傲忽者務矯以謙損推而廣之寬容以矯其  
褻急整肅以矯其怠惰隨時隨地因證而藥  
不患不入於聖人之道矣

一逢二六日講書值日者設座甲鳴鼓五聲畢  
集講堂向上一揖各就座講畢又向上一揖

而退諸子於所講書須向自己身心



貼一 一勘驗能於觸發處當下如冷水澆背  
晨鐘聒耳方爲有得若徒拘牽章旨分析字  
句將聖人入骨透髓吃緊爲人之語徒作文  
字看過究亦何益至有所疑澄心靜氣涵泳  
白文勿攙己意以求強合人物典制存乎掌  
故或求之註疏或質之者宿博考詳問期於  
必得總不可糊塗了事空作一場說話過去  
方爲實曾看過書來窮理之學莫切於講究  
書義願與諸子反覆問難實盡力於斯焉

紫雲書院志 學規八

一 每月逢九日會文先一日傍晚設座講堂至  
日黎明值日者鳴鼓五聲諸子各操筆硯序  
齒列坐以二藝爲率短篇者罰夫 國家以  
制義取士先資拜獻不能不藉乎此原其體  
式合經術理學舉業三者爲一以開天下有  
志之士其用意深遠立法精詳過漢唐諸代  
遠矣特患學無源頭胸無定見剽竊摹擬期  
於苟得文旣不工心術更不可問是殆沿襲

者之失而非盡制之不善也夫五經諸史其

根本也詞華章采其枝葉也欲求枝葉之茂而不施灌溉不勤壅培吾未見其有效也今欲作制義文字須先審書理於實字析其義虛字會其神體之身心驗之事物於聖賢道理所見既確從而採羣言之精華追先輩之章程操筆拂楮發揮爲文理明詞達使稱佳作雖糊名易書光彩迥出紙背無意逢迎功名自至所謂祿在其中者也朱子嘗言非是科舉累人自是人累科舉居今之世使孔子復生也不免應舉科目一途何嘗不足以得人材患在操速化之術人自不肯先立其根耳



帖文

聞封府許州襄城縣承奉河南等處提刑按察  
司帖文爲禁約事據開封府許州襄城縣官舍  
李鏐狀告有父李敏任浙江按察使丁憂回家  
守制於成化三年用價銀七兩同說舍人王理  
等買到本縣南侯保人戶王玘不起利山荒地  
一段起蓋書院一所延請師儒訓誨鄉民子弟  
栽種樹木數千餘株就爲師生學廩之用誠恐  
年遠被人侵占地土及恐無知小人偷斫樹木

勅賜紫雲書院志一

損壞書院如蒙准告乞行本縣委官一員踏勘  
地土四至明白置立界牌仍乞禁約一應人等  
不許偷斫樹木作踐書院誠爲便益等因到司  
據此擬合就行爲此合行帖仰本縣着落當該  
官吏即便委官一員親詣所告原買地段處所  
從公踏勘前項地土界止並所種樹株數目明  
白立界牌爲證仍將踏勘過緣由回報施行  
毋得違錯不便奉此依奉行准本縣委官知縣

趙璘關親詣李鏐所告原買地段處所拘集地

方里老沈興等並賣地人王玘同男王得閏到  
取審據本人狀供於成化四年正月內是玘同  
男王得閏爲因艱難憑說合人王理等將自己  
開墾山荒不起科地二十畝東南至山西北至  
嶺四至明白出賣與本縣里仁坊丁憂大人李  
敏起蓋書院議定價銀七兩當日交收又於成  
化七年五月初一日是玘又同男王得閏將書  
院前山荒地一段西至王亮並書院後山荒地  
一段北至玘自己地土爲界亦賣與丁憂大人

勅賜紫雲書院志二

李敏作書院供給師生之用得價銀九兩整當  
憑王理等眼同收訖今蒙取供所供是實及據  
王理等亦供相同從公踏勘前地原係荒山坡  
地土並不係徵糧民地其地東南至荒山西至  
王亮北至賣主東西長五百丈南北長四百七  
十丈四至明白別無違碍除理立界石外地內  
原栽種菓木並松栢等樹約有五千餘株取具  
賣地並中人供詞關繳到縣律此擬合通行爲

此使縣除外合行帖下文書到日仰照帖文內



事理將踏勘過地土照取管業施行毋得違錯  
不便須至帖者右帖下告人李鏐准此成化七  
年五月十五日禁約事

勅賜紫雲書院志

三

襄城西南二十里有紫雲山焉是山也蜿蜒而南曲折而東復廻顧而西北衆山群嶺如趨如附如拱如揖中有泉水湧出折流而西則又繚焉而縈泓焉而蓄襄之形勝莫此爲最而吾書院適建于其間因山取號遂以紫雲名且書院何爲而立哉敏昔受學于姑蘓顧先生之門習舉子業正統甲子領鄉薦時年二十也三試禮部皆乙榜例授校官敏忠爲人師辭不敢就至

勅賜紫雲書院志 一

景泰甲戌始登進士第時年三十也未幾拜監察御史尋陞浙江按察使聽訟斷獄殆無虛日寡聞淺見遺忘兇盡而荆棘草莽雜然集乎心胸矣成化丁亥先君捐館舍敏居憂于家無以爲讀書所及年踰四旬而道不加修官居三品而功無寸補孔子曰四十五十而無聞焉斯亦不足畏也已又曰邦有道穀恥也吾爲此惧始知自勉且欲激勸將來俾宗族鄉黨有所劾慕咸知修身以讀書爲本明道以力學爲先同與



禮讓之風共享文明之治此書院所由立也始  
建小屋三楹覆以草茆僅蔽風雨荆築土垣耶  
作藩籬間嘗於一二學徒觀書其間余舊寅侍  
鄧白公行中同年憲副王公齊巡歷郡縣嘗往  
顧余二公雅好斯文見其隘陋遂命有司改作  
之時知縣趙璘縣丞張冕主簿宋環典史高志  
安奉命惟謹而教諭王昉訓導王冕亦克襄之  
鳩工集材謀傳不朽于是易土垣爲石壁撤草  
茅爲磚瓦而又翼以兩廊扁以名額未幾期月

勅賜紫雲書院志 二

之久遂成遠大之規書院旣成供具斯備有山  
可樵而爨也有水可漁而食也有田足以給廩  
餼有書足以開心目高堂密室足以避寒暑翠  
竹青松足以勵節操登覽是乎山藏修是乎院  
者能無奮然興起者乎然功成有記理固宜然  
敏忘其隘陋輒不自揣敢以山水之佳創建之  
由供具之脩誌之貞珉欲使是書院見重于當  
時流傳於後世必待憲副劉公之作而後顯吾

先書此以俟焉

天地闢而聖人出聖人者代天地而有爲者也  
其言易書詩春秋其道父子君臣夫婦長幼朋  
友其德孝弟忠信禮義廉恥其法政刑然而聖  
人不世出而世之人志將有爲使學非聖人之  
言非正學教非聖人之道非善教治非聖人之  
德化非盛治必資之而無不盡則推之而無不  
準其明効大驗有不可誣也唐虞遠矣三代相  
繼禹湯文武以聖人而位乎上伊尹周公孔子

勅賜紫雲書院志

以聖人而處乎下故當是時道德光華數破化  
類薄海內外治稱盛極中更漢唐其君多號有  
爲若董仲舒韓愈亦皆有聖人之志而不能茂  
於其實以成其業而遂至衰微宋朱徽公熹始  
以聖人之學追尋河南程氏兩夫子之緒以修  
明易書詩春秋之訓講求父子君臣夫婦長幼  
朋友之義以彌成孝弟忠信禮義廉恥之俗而  
期以措乎政刑以收正學善教之功而世不能  
盡用無怪乎治之不盛也自後百年之久而魯



齋許文正公衡起河內相元世祖今又百餘年而河東薛文清公瑄起鄆陵相我英宗皇帝凡儒者所以慨然於千古之後歛身遇三代之時得以正學善教昌被庶類以樂談盛治者至是乃有以慰於心而及於身夫身豈我之所私有哉聖賢之事之所寄也非學無以成教非教無以廣治矧欲仰師伊尹周公孔子以及程氏又考古朱徽公正學善教之功期如魯齋河東之有遇而或曠無寧居理固有未安者此浙江按

勅賜紫雲書院志二

察使襄城李公紫雲書院所以作歟李公博學能文而重之以其道飭之以其德又慎於持法思以輔治而成功者卓然已有稱於人其居父御史府君憂也讀禮紫雲山中而學徒雲集簞笈所聚至不能容李公曰自程氏兩夫子起倡道學數百年相承至魯齋河東兩公皆出河南古今人豈不相及學之未正教之未善循至乎治之未盛厥則有由然矣吾辱生於兩夫子之鄉得私淑魯齋與河東公之教且遭逢聖明之

盛以與羣子弟修明易書詩春秋之訓講求  
子君臣夫婦長幼朋友之義用弼成孝弟忠信  
禮義廉恥之俗期以措乎政刑之說亦獨何幸  
朱徽公作白鹿書院而天下仰之今河南所在  
有書院而惟伊川魯齋爲盛則我之復爲此舉  
要亦不爲無助於時旣而書來徵予記其成予  
提學於此邦聞李公實嘗采薦佩符流行且久  
矣而不能有所振起視李公書院之作學徒彬  
彬絳繡洋洋戟冠褒衣加盛於學校予方竊負  
愧何敢以爲記然惟河南道學之傳程氏啓之  
而魯齋河東繼之李公復欲以正學善教仰禪  
朝廷盛治益此邦風土氣尚之素厚培養積習  
必益有大振於其後者夫使知自李公以始則  
又烏得而辭爲記公名敏字公勉景泰甲戌進  
士由監察御史進按察使而書院歲月之經紀  
山川之明麗與材費之數典籍之目供億之儲  
李公別自有述茲不書



襄城縣西南二十里有山曰紫雲山之脉發自秦川錦亘數千里至是一峯秀出若紫雲然故名縣人今大司徒李公公勉有田其側公雅性愛山自幼往來山下必注目久之乃去然以父兄之命方業舉子未暇如志也成化丁亥公以浙江按察使丁外艱於家乃於山下闢地建屋三楹周之土垣悉輦仕宦四方所得經書貯其中而讀之以償夙志而一時鄉之子弟有志於

勅賜紫雲書院志

學者競從之遊自是爲屋漸多規制漸大四方士大夫行經襄城者輒迂道往來鄉人因有書院之目然猶未有名號也已亥冬公入爲兵部侍郎列狀以聞詔賜名紫雲書院於是河南藩臬諸公暨郡縣守令重其事稍重工役遂易以崇垣建大成殿東西廡於前祀宣聖及從祀諸賢明倫堂左右齋於後居師生悉如近時學校之制堂之後有阜高起又卽此建尊經閣藏所尊之經書書院之名于是乎始著焉公旣入正

司徒之位每道其事於余且求爲記以風勵來  
學余惟書院之名起於唐宋以來往往著於學  
校未盛之時今我國家學校遍天下自京師以  
至偏州下邑絃誦之聲相聞書院可不必建然  
以余觀之似猶有不可偏廢者蓋學校設於郡  
邑之中有官府之制課試之法學者日規規於  
程式文字以取功名他不暇有所用力而書院  
在雲林僻處無是二者之擾可以脫去塵鞅一  
意進修以企及古人非學校比故南軒張子記

勅賜紫雲書院志

二

嶽麓書院示士子傳道之要在於仁其言曰仁  
人心也率性立命知天地而宰萬物者也孟子  
曰惻隱之心仁之端也於此焉求之則不差矣  
至晦菴朱子記石鼓書院以張子所言於下學  
之功有所未究誦其言者不知所以從事之方  
又申之曰養其全於未發之前察其機於將發  
之際善則擴而克之惡則克而去之其言益切  
而其意益明學者誠取二子之言合而味之則  
其所以用力之地與方將自得之由由是而企



及古人夫何難哉乃若蹈常襲故猶學校諸生  
生之所業則書院誠不必復建矣李公才高而  
識正其平昔之所以爲教蓋必出此余故擬其  
意而記之用勉諸士子毋使或議斯院於徒建  
也

讀紫雲書院記書後

許子尊

全歙邑令

紫雲書院何以名爲大司徒李恭靖公讀書而名也山水秀麗椽舍創建具詳志乘所載碑記中予讀之竊有感乎地以人名而人與山相得益彰也夫書院山地接紫雲居襄邑諸山之勝足以來眺望納遊履爲愛佳山水者助一觀然當公之未建學於此山雖其幼之往於斯來於斯徘徊挹注於斯而山未以書院名寧必四方士君子之嚮往於斯耶迨公登進士官御史時

勅賜紫雲書院志

讀禮山居慨然思道學之傳孔孟而後紹述於河南程氏兩夫子新安朱公紫陽慕其學起而昌明之數百年相承至元魯齋許公暨明河東薛公火盡薪傳而天中之學確有根源異說不得爭喙豈可當吾身而中熄爰以講學爲已任一時從者至不能容足因僦其舍爲書院輦仕宦四方所得經書貯其中而讀之以講明聖賢之道嚴理欲之分與斯世辨人禽之界析義利之別與天下立性命之宗凡有裨於國計民生



者靡不究悉本末又慮其久而奪於老佛之徒  
碑程公許薛之學孤而無輔願與四方學者共  
之具狀以聞于朝詔賜額曰紫雲書院夫雲興  
于天儲天之英山起于地鍾地之靈公以學來  
四方傑俊是合天地之英靈悉聚于書院則山  
不獨以書院得名而書院山且得以紫雲名矣  
名者實之寶公爲主紫雲爲寶山與人不相得  
益彰乎其後立朝風概如建鑿河儲運之議改  
易銀給邊之法以及調酌鹽課禁奪民田種種

勅賜紫雲書院志二

美政皆其力學篤行素所蓄積然也四方遠近  
有所效慕咸知修身以讀書爲本明道以力學  
爲先此紫雲書院之立所由與朱考亭之鹿洞  
陸青田之鷺湖同垂不朽越數世公之孫肖  
雲先生繩繩家學弗廢先業令束鹿歸猶加講  
肄廣學舍以居四方之從遊今其曾孫禮山先  
生乙卯登賢書而念祖學之淵源罔敢失墜續  
先德之緒論恒厪紹聞學彌大聲爚噪更肆修  
章以世爲紫雲書院主其文章功業行將與天

壤同流昔韓昌黎云莫爲之前雖美弗彰莫爲  
之後雖盛弗傳予於李氏之紫雲書院益信

勅賜紫雲書院志 三

三鈔臨起典軒子伏李丸之激靈書到益計  
表同流昔韓昌黎云莫爲之前雖美弗彰莫爲



勅賜紫雲書院文昌祠記

張元頌

南昌禮侍

去襄城西南半舍許有山曰紫雲崔嵬秀拔林木蒼蔚四時色蒼翠可愛兵部右侍郎李公公勛填以按察使守制服闕卽其麓創書院數楹與二三嗜學之士講習其間環植竹木以供清玩闢土田以資食飲於是鄉人子弟往就學者日益衆公進副都御史巡撫大同懼其久而奪於業老釋教者遂舉入官與四方學者共之且其實以聞詔賜額曰紫雲書院縉紳士大夫胥

勅賜紫雲書院志

為榮都憲李文盛秦公世英孫公伯大相

繼邇

可南成重其事委叅政張君文謹督有

司拓地改築

大其制建大成殿及門廡堂齋

如郡邑學宮儀書院異隅有隙地復立文昌祠

揭神位於其中既皆告成矣一日都憲孫公復

召通政使司知事丘倫語之曰吾聞文昌帝君

生於有周光分張宿之精氣鍾嶽神之秀為士

大夫以忠孝稱歿而為神典司貴祿二籍世之

士君子科舉雖曰以文之純駁權予奪於有司

而神實於冥冥之中覈其行檢之於忠孝理道能不鑿踈與否而黜陟之故天下學宮皆立祠塑像以祀今書院卽古鄉學遺制祠旣立不像祀神不缺典歟遂捐貲命工刻神像冠烏紗腰白玉服素袍而文之以龍旁侍二童左佩笠右捧璽又一神梁冠朝服執象簡立佩笠之下一神持鞭轡御白驪立捧璽之下皆俊偉整肅凜凜然有生氣侍郎公將昇歸祀於祠念都憲公右文好善之心不可無文紀之以垂不朽乃琢

勅賜紫雲書院志二

石請記於予余辭不獲已竊惟忠孝臣子之大節也士君子讀書窮理求盡是道而已稽之道家書載神之質信有如都憲公之所云然則神之所以爲神與夫所以取士亦惟本之忠孝其警世弼教之功不亦大矣乎傳曰有功於民則祀之若神之功是宜士君子所當尊崇而敬祀之豈釋老之徒事虛寂而寺觀之建爲徒費民財者可同日語哉后自今襄之諸士子游歌於書院而拜瞻神像之儼然知神考德察行之由



必惕然戒謹恐懼臣焉盡忠子焉盡孝以祈為  
神之所陟必不反此而甘為神之所黜襄之士  
不濟濟乎益盛於前矣乎然則侍郎公之創書  
院神祠與都憲公之塑神像以警人心其有益  
於後進有功於世道豈小補哉是宜記之以詔  
來學

勅賜紫雲書院志 二

縣之西南二十里許與駱駝嶺對峙者為書院山山之坦處為山神祠相傳先世占籍襄城於山中置庄二依澗而屋以耕以讀因於庄後建山神祠蓋創自李氏前此未有也先司農恭靖公丁少保府君憂始於山之巽隅建書院一區以為讀禮之所一時四方學者多造廬而質所疑有鶯湖鹿洞之風後位上卿因疏請於朝蒙賜節額曰紫雲書院內營殿宇講堂齋房壯麗

勅賜紫雲書院志

巍峩為邑之奇觀於時推其餘力又拓廣山神祠旁置靜室蓋所以祝上登造民福之意而學徒往來亦可憇息焉非無故而然也歷歲日久書院學舍既無整理之者祠亦傾圯益甚予以書約同族力為營繕之既成欲取石以識歲月庶兄冠走束鹿署中問記於予予因之而竊有所感也從來興廢之故存乎其人得其人則興無其人則廢昔先公之講學於山中也負笈擔簞川至雲湧彬彬濟濟人材蔚起故既創書院



因增修此祠以爲從遊者之所棲止今山水如  
故而其盛不可復追矣噫緇黃之流雖一瓶一  
鉢猶能增飾其佛廬道院而吾宗人冠儒冠而  
服儒服者不下百千指顧不自力以光大恭靖  
公之儒業豈不重爲所笑也哉予幾南拙吏無  
長物以焜耀舊蹟行將解組歸田與吾宗人共  
謀之適因山神祠之成而先述其意如此且以  
誌吾愧云

書院夕照軒記

李繼業 襄城

予於紫雲書院西山上斬木除地壘石結茅建  
亭三楹顏以夕照敞其四面盡去藩籬豁如也  
旣成因操筆自爲之記曰斜日西下羣山蔽之  
返照入林紫綠萬狀牛背笛聲自遠而至柴門  
竹籬犬吠唁唁如豹山中高人繩床擁枕瞑目  
孤坐萬慮俱寂正不知與邯鄲道上僕僕風塵  
者相去爲何如也予自束鹿解組憩息此山當  
日夕嘗憑軒檻極目川原見白鶴於萬山落暉  
中揚翅而來予仰空笑謂之曰勞勞塵世日暮  
始還何似鎮日林谷飲啄自如鶴乎鶴乎豈猶  
未悟而甘蹈此吾恐一落藩籬羈縻由人爾時  
欲歸故山殆未易易也言畢鶴忽翔集軒除引  
頸長鳴似以予言爲然



紫雲書院學田記

許子尊

金谿邑令

余承乏襄城凡六年於茲於邑中賢士大夫無不締交而於李禮山先生尤佩服而心儀之禮山篤志伊洛之學與其弟璞園友愛肫至同居共爨讀書養母不問戶以外事其于令君之庭非春秋月吉飲射讀法絕跡不至蓋莊莊乎君子人也一日晤于明倫堂中坐起而揖余曰願有所請予就問之則曰昔吾先子繼恭靖束鹿公遺意修葺紫雲書院略有次第又以爲廩食

勅賜紫雲書院志

一

無所出將不足以垂永遠乃出橐中貲買置學田百二十畝臨終之夕猶諄諄諭戒子孫勿以貧故私攘學田所入及檀鬻於人違者吾目且不瞑不孝莫大焉數年以來僱工闢墾熟而可種者已得若干畝今將臚列學田段數坐落刻於石上置紫雲書院中使後人有所遵守以終竟吾先子之志非得明廷一言不足以爲徵信予聞之起而歎曰余讀前明憲廟實錄見恭靖

先公以建置書院始末疏請于朝以爲久而恐

爲釋道兩家所據願籍于官以教鄉黨子弟越  
四世而雲麓先生買置學田垂誠子弟令不得  
以顆粒寸壤私爲已有維兩先生者擔荷斯文  
陶淑善類引覆載之量切聖賢之懷大公無我  
繼志述事無愧爲仁人孝子而禮山昆仲恪遵  
遺命表章惟恐或後亦人世之不可多得者也  
百世之下聞李氏之風者有不奮然而興起者  
哉予于去春方圖經理書院會有襄樊運米之  
役奔走車塵馬足間有所不暇今又解組而歸  
將爲岩壑中人雖欲爲之而有不逮者眺望紫  
雲勿能釋然于懷抱乎因不辭不文而備爲記  
之以應禮山之命雲麓先生諱光里學田段數  
坐落具列左方不獨誠李氏子孫且將使通邑  
之人有所考云



李敏字公勉襄城人景泰五年進士授御史明習法律有能名天順初奉勅撫定貴州蠻還巡按畿內以薊州餉道經海口多遭覆溺建議別開三河達薊州以遺其險軍民便之成化初用荐超遷浙江按察使歷山西四川左右布政使十三年擢左副都御史巡撫大同敵騎出沒塞下掩殺墩軍敏伏狀士突擒之修治垣塹敵不敢犯居三年召爲兵部右侍郎與尚書余子俊

勅賜紫雲書院志一

協心共濟部事稱理旣而陳鉞代子俊怙汪直勢多行非義敏守正不爲撓以久病罷歸二十一年河南大饑敏條上救荒數事詔以左副都御史巡撫保定諸府旋改督漕運上言漕政之弊由京通二倉官吏積取羨餘致虧正額而搬轉守候費復不貲以故運卒逃亡大誤漕計請嚴禁革尋詔拜戶部尚書孝宗嗣位將耕籍田敏言農大耕稼之苦非目覩何由知請增置上中下農夫各十人服常服執農器引見行禮

後令其終畝賜酒食及布而遣之帝稱善從焉  
先是敏在大同見山東河南轉餉至者道遠多  
耗費乃會計歲支外悉令輸銀民輕齎易達而  
將士得以其贏治軍裝交便之至是并請畿輔  
山西陝西州縣歲輸糧各邊者每糧乙石徵銀  
乙兩留其一本郡而以十九輸邊依時值折軍  
餉有餘則召糴以備軍興帝從之自是北方二  
稅皆折銀由敏始也以災異乞罷因勸帝修德  
任賢優詔答之崇文門宣課司稅多爲勢要所

勅賜紫雲書院志二

侵漁敏因馬文升言請增設御史主事監視御  
史陳瑤遂斥敏聚斂敏再疏求去帝亦慰留焉  
初湖廣四川饑敏奏發帑賑濟弘治二年河間  
永平大水復請遣官往賑戶給米一石溺死者  
倍之無主者官爲瘞貧不能自存者葺其廬舍  
免二稅帝悉從之并命給畿內貧民二麥種各  
一石時貴戚有請隙地及鷹房牧馬場千頃者  
敏謂畿內地先朝屢有禁令不許勢要請乞鷹  
房牧場止二百餘頃餘皆民產不可奪事并得



寢當憲宗之末中官倭幸多賜莊田既而得罪  
率辭且奪帝不以賦民令人守視敏請召佃畝  
科銀三分帝從之然他莊田如故也會京師大  
水敏乃極陳其害言今畿輔之內皇莊有五爲  
地萬二千八百餘頃勛戚中官之庄三百三十  
有二爲地三萬三千一百餘頃比來管庄官校  
率招集無賴號爲庄頭往往豪奪畜產甚者戕  
殺人汚人嬾女民心盡傷赴訴無所此災異所  
由生也且祖宗之世初無皇庄正統間以諸王

勅賜紫雲書院志 三

未封供費浩大又爾時民稀土廣因相間地立  
庄資用王旣之國地仍歸官其後循襲遂有皇  
庄之名不知普天之下莫非王土若以此地爲  
皇庄則其餘獨非王土乎請盡革管庄之人賦  
民耕種畝槩徵銀三分克各官用度如此無皇  
庄之名爾有足用之效至權要庄田亦請盡革  
庄役別擇佃戶高年有行者領之有司收其課  
聽諸家領取悅民心而感和氣無切于此時不  
能用南京御史之與蔣琮相許也咸被逮謫官

而琮居職如故敏不平再疏力爭不聽四年得  
疾乞休帝遣醫視療已復力請詔乘傳歸未抵  
家卒贈太子少保謚恭靖敏生平篤行誼所得  
祿賜悉以分昆弟故人家無餘財親喪里居築  
室紫雲山麓聚書數千卷與學者講習又市地  
數十畝以供廩給及巡撫大同時具疏籍之于  
官且請額詔賜名紫雲書院大同居極邊孔廟  
舊無雅樂以敏奏得頒賜令諸生以時肄習少  
受業長洲顧昌後昌以同知致仕敏援分俸養  
親例請于長洲月分二石以養昌事雖不行人  
多其義

勅賜紫雲書院志

四



李恭靖公敏傳

見中州人物志

宋陸禔

宗廟西亭

李敏字公勉襄城人也景泰五年進士授監察御史明習律法有名稱嘗按畿內力革宿弊以運餉薊州者必由海口多遭覆溺敏建議別鑿三河直抵薊州以避海道軍民便之成化初陞浙江按察使尋以憂去服闋改湖廣轉山西布政使拜都察院左副都御史巡撫大同先是虜俟守墩軍下取水輒肆戕害敏至伏擒之自是虜不敢犯又上禦戎數事進兵部右侍郎已而

勅賜紫雲書院志

臥病爲言者所論遂乞歸久之起爲右副都御史巡撫保定改總督漕運召爲戶部尚書遇事不避有貴戚怙勢者乞畿內入官隙地已有旨許敏執奏而止其餘建白亦多中事理上甚重之復以疾乞歸特命官屬一人護行卒于內黃年六十七贈太子少保謚恭靖


論曰余聞李恭靖公當成化初讀禮之暇屏居紫雲山中生徒雲從箴箴至不能容於是遂是

書院取程朱許薛四子之書立爲條約乃日寘

諸生講習勵勉期在躬行故久之襄許之間彬  
彬然多德藝之士矣

勅賜紫雲書院志

二



勅賜紫雲書院志



恭靖公敏傳

見獻徵錄

張良知

李敏字公勉襄城人登景泰甲戌進士第授湖廣道監察御史天順丁丑貴州蠻賊哨聚命往撫捕之比還山按畿內力革宿弊以運餉薊州者必由海口多遭覆溺建議別鑿三河直抵薊州以避海道軍民便之累陞浙江湖廣按察司山西四川布政使入爲都察院右副都御史奉勅巡撫大同兼理軍務先時虜侯守墩軍下取水輒肆戕害敏至設伏擒之自是虜不敢犯山水

勅賜紫雲書院志

東河南運邊糧者歲數萬石更涉險遠率倍費始得達敏計歲會外令易銀給將士以其餘市戰馬治軍裝至今以爲常成化年召爲兵部右侍郎以疾乞歸久之適河南大饑疏救荒數事封上因改左副都御史巡撫保定等府兼提督紫荆等關未幾改總督漕運巡撫鳳陽等府擢戶部尚書時天下頻歲水旱所司往往乞免用租其章奏敏皆手自叅決大要以足國安民爲

急上副位例行賞賚而邊境更以儲特缺乏爲

奏敏區畫有方用以不乏常言鹽課爲國用所  
資比歲法壞宜簡命風憲大臣理之詔如其議  
又止貴戚畿地之乞鷹房之討因京師水災而  
陳畿內官莊之濫豪勢之橫人所難言者公多  
建白在戶部五年以疾上疏得休致歸至內黃  
疾革遂卒贈太子少保謚恭靖

勅賜紫雲書院志

疾革遂卒贈太子少保謚恭靖

長白內官莊之濫豪勢之橫人所難言者公多

建白在戶部五年以疾上疏得休致歸至內黃

疾革遂卒贈太子少保謚恭靖

長白內官莊之濫豪勢之橫人所難言者公多

建白在戶部五年以疾上疏得休致歸至內黃



李恭靖公敏傳

見分省人物志

過庭訓

李敏字公勉襄城人景泰甲戌進士授監察御史天順丁丑貴州蠻賊嘯聚命往撫捕之比還出按畿內力革宿弊軍民戴之累陞浙江湖廣按察使山西四川左右布政使成化十三年入爲都察院右副都御史奉勅巡撫大同兼理軍務先時虜俟守墩軍下取水輒肆戕害敏至設伏擒之自是虜不敢犯山東河南運邊糧者歲數萬石更涉險遠率倍費始得達敏計歲會外

勅賜紫雲書院志

一

令易銀給將士以其餘市戰馬治軍裝至今以爲常成化十五年召爲兵部右侍郎與余子俊各以身許國知無不言言無不從及陳鉞附汪直氣焰可畏敏以正自律並無徙倚十九年以疾乞歸二十二年適河南大饑疏掇荒數事封上因召改左副都御史巡撫保定等府兼提督紫荆等關二十三年改總督漕運巡撫鳳陽等處尋擢戶部尚書時天下頻歲水旱所司往往乞免田租其章奏敏皆手自叅決大要以足國

安民爲急上副位例行賞賚而邊境更以儲峙  
缺乏爲奏敏區畫有方用以不乏嘗言鹽課爲  
國用所資比歲法壞宜簡命風憲大臣理之詔  
如其議畿內有隙地貴戚初乞不與而以與民  
後復有欲得者敏言令不可變恩不可偏其仍  
與民爲便奏上從之時又有乞鷹房牧馬場千  
頃者敏言場止二百頃餘皆民產業安得奪耕  
種之地以爲飛放之所亦從之京師大水有詔  
令百官各陳時政關失敏所疏數事皆人所不

勅賜紫雲書院志

敢言者至他建白尚多不能盡述在戶部五年  
以疾上疏得休致歸至內黃疾革謂從事曰吾  
以一介書生祿位至此愧負無地方圖報稱而  
年力不能如朝廷大恩何言訖遂卒贈太子少  
保謚恭靖敏爲人和易明爽臨事慎重有大議  
草奏動輒數千言理明辭順見者推服平生多  
厚德遇貧乏者輒施與不吝處諸兄能友愛數  
以所賜金分遺少感其師顧昌之教歲時問遺  
不絕嘗欲分俸以養事雖不行然士大夫莫不



多之

勅賜紫雲書院志

三



李恭靖公敏傳

見中州道學編

耿

介

登封少詹

李敏字公勉河南襄城人景泰五年進士授監察御史巡按畿內力革宿弊以蘇州餉道經海口舟多覆溺建議別開三河達蘇州以避其險軍民便之成化初用薦超遷浙江按察使尋以憂去讀禮之餘於縣南紫雲山建小屋數楹積書千卷與學者講讀其中設置學田以供膏火之資未幾而生徒雲集屋舍至不能容適侍御白公行中巡歷至斯見其隘陋遂命有司改作

勅賜紫雲書院志

之懸以扁額書院之名始此服闋歷山西四川左右布政使擢都察院左副都御史巡撫大同大同居極邊孔廟舊無雅樂以敏奏得頒賜令諸生以時習肄風氣不變三年召爲兵部右侍郎具疏請書院勅額詔賜紫雲書院以久病告歸日與諸生講習其中取程朱許薛四子之書立爲條約期在躬行實踐而襄許之間彬彬有理學之風矣值河南大饑敏條上救荒數事召

以左副

御史巡撫保定旋改總督漕運上言



漕政之弊尋拜戶部尚書孝宗嗣位將耕籍田  
敏言農夫耕稼之苦非目覩何由知請增置上  
中下農夫各十人服常服執農器引見行禮然  
後令其終畝賜酒食及布而遣之帝稱善從焉  
先是敏在大同見山東河南轉餉道遠多耗費  
乃會計歲支外悉令輸銀兩省便之因災異上  
疏勸帝修德任賢優詔答之以疾乞休帝遣醫  
視療已復力請詔乘傳歸未抵家卒年六十七  
贈太子少保謚恭靖

勅賜紫雲書院志

